

А. КАСИМЪ
Д. ДАТЪНОВЪ

مختصر اخبار افيا

اثر
محمد فاتح الكريمي

توزہ دیلوب اوچونچی مرتبه باصلووی

مکتبۃ الشركة

مصاریفی ایله باصلمشدر.

خاریطو مطبعہ
قزان.

Дозволено цензурою. С.-Петербургъ, 10 Юня 1904 г.

КАЗАНЬ.
ГОРОДСКОЙ ПАССАЖЪ

Лито-Типографія И. Н. Харитонова.
1904.





برایکی سوز

علم جغرافیا نك فائلكى ولزوملى برفن اولديغى بزم تاتار ملتى آراسنك
آكلاشلداغه باشلامش اولديغندن درلو درلو جغرافيالره وصوك
ايستاستيقلره باقهرق شو كوچوك رسالهى ترتيب ايتدم .

جغرافيا او قومه نك اك برنجى شرطى هلكتلك وشهرلك يرلرينى
خریطه دن تابهقدر . بوسالده گى شهرلى ويرلرى روسجه دن (ايلين) ك
۱۸۹۵ سنه سنده باصلمش (نووى اوچيىنى آطلاس) نام خريطه سنه
باقهرق يازدم .

اوقتدكده شونى توصيه ايدرم . بويالرى گوزل ، يرلرى پك مكمل
كوسترلمش اولوب فيئاتى بر روبله اللى كاپكدر . كتاجيلرك چوغنك بولور .

جغرافیا یرک احوالی بلدیرن برفندرام

یرافلیسون (پورتقال) کبی یوارلاق اولوب اوستونک درتده بر بولوکی قره اوچ بولوکی صودر.

یرک شکلنی کوسترن لوچه لره خریطه دینلور.

یر: آوروپا، آسیا، آفریقا، آمریکا، آسترالیا اسملریله بش قطعه یه یعنی پارچه یه بولنمشدر.

بونلردن هر برینک اوستی برر خریطه ده کوسترلمشدر.

جهات اصلیه

بریرک قایسی یاقنه اولدیغنی بیلدرمک ایچون شرق، غرب، شمال، جنوب اسملریله باشلوجه درت (جهت) یعنی طرف واردرکه بونلره (جهات اصلیه) دینلور. شرق قویاشک طوغدیغی طرف، غرب باتدیغی طرفدر. قویاشک طوغدیغی طرفه باقلدقده صاغ طرف (جنوب) صول طرف (شمال) اولور. خریطه لرک اوست طرفی شمال، آلت طرفی جنوب، صاغ طرفی شرق، صول طرفی غرب اعتبار ایدلمشدر.

قره نک احوالی

اوستونده یورومکده اولدیغمز طوپراغه قره دینلورکه بولندیغی شکله کوره درلو درلو اسملری واردر.

آطه

هر طرفی صو ایله احاطه اولنمش قره یه (آطه) یاخود (اوطراو) وعرچه (جزیره) دیرلر.

یارم آطه

یاگز بر طرفی قره یه بتیشک و باشقه طرفلری صو ایله احاطه اولنمش قره یه (یارم آطه) یا ایسه (پارطی اوطراو) دیرلر.

برنخ

یارم آطه نک قره یه بتیشدیکی طاریره (برنخ) دینلور.

بورون

قره نك دڭزه طوغرى اوچلى چيقنديلرينه (بورون) دینلور.

اووه

قره نك دوز واورمانسز ير لرينه (اووه) دینلور.

چول

قره نك اوتسز يعنى اولنسز وصوصز ير لرينه (چول) دینلور.

طاغ

قره نك يوكسك ير لرينه (طاغ) وعرچه (جبل) دینلور.

ينار طاغ

تپه سندن دومان و آتس چيقان طاغله (ينار طاغ) ياخود (ژولقان) دینلور.

در بند

ايكى طاغ آره سنده گى طار كچيدلره (در بند) دینلور.

ساحل

قره نك دڭزه بتيشك اولان کنار لرينه (چيتلرينه) ساحل دینلور.

صولرك احوالى

يرك درت بولو كده اوچ بولو كنى قاپلامش اولان طوزلى صويه (دڭز) وعرچه (بحر) دینلور.

دڭزلر ايكى قسه آيرلشدر. برينه (طيش دڭز) و ايكنچسینه (ايچ دڭز) دیرلر. طيش دڭز بتون قره لرى احاطه ایدن بيوك بر صودرکه : (بحر محيط غربى)، (بحر محيط كبير)، (بحر محيط هندى)، (بحر منجمد جنوبى)، (بحر منجمد شمالى) اسملريله بش قسه بولونمشدر.

ايچ دڭزلر بونلردن آيريله رق قره لرك آره سنه كيرمش اولان بر طاقم كوچوك دڭزلر دركه بولنديغى ير لره كوره درلو درلو اسملرى واردر.

كورفز

دڭزلرك قره ايچنه صو قيلوب كير ديكى ير لره (كورفز) دینلور.

لیمان

فورٹنہ و روز کارلی ہوالر دہ کمیلرک باریندیغی کورفز لره (لیمان) دینلور .

بوغاز

ایکی دگزک بربرینہ فارشدیغی طاریره (بوغاز) دینلور .

ایرمق

طوغر یدن طوغری یه دگزہ آقان بیوک دره لره یعنی یلغہ لره (ایرمق) وعر چہ

(نہر) دیرلر . بونلرک چیقدیغی یرہ (منبع) و دگزہ دوکلدیکی یرہ (منصب) دینلور .

کول

هر طرفی قرہ ایله احاطہ اولنمش طورغان صویہ (کول) دینلور .

قنال

ایکی دگز ی یاخود ایکی نہری برلشدر مک ایچون مخصوص قازیلان دره لره

(قنال) وعر چہ (جدول) دینلور .

آروپا قطعہ سنک بیانی

آروپا قطعہ سنک شمال طرفی (بحر منجمد شمالی) ، جنوب طرفی (آق دگز) ،

غرب طرفی (بحر محیط غربی) ، شرق طرفی (اورال طاغلیری) ایله محدوددر .

آروپا قطعہ سی باشقہ قطعہ لر دن کوچوک ایسہده صو وھواسنک لطافتی ،

طوپراغنک برکتی ، اھالیسنک علم وھنر جہ مھارتی سببیلہ جملہ سندن زیادہ

معمور یعنی ترقی ایتمش وایلر وکیتمشدر . بوقطعہده بغدادی ، آرپہ کبی

ھردر لوذخیرہ ، آلمان ، آرمود ، اوزوم کبی ھردر لومیوہ لر چیقار . آلتون ،

کیموش ، قورشون ، قلائی ، دمیر ، باقر ، یرکھوری کبی فائدہ لی

معدنلری دخی واردر .

آروپا قطعہ سی اون ملیون اوچیوز سکسان بیک کیلومتر و مربعی

بیوکلکنکدر . اھالیسی اوچیوز اوتوز ملیون مقداری اولوب اون ملیون

قدری مسلم ، باقیسی غیر مسلمدر . آروپا اھالیسی زیادہ سیلہ چالیشقان ،

معلوماتی، و تریه لیدر لر . چهره لری گوزل، توسلری آقدر .
 آروپا قطعه سی اون طقوز حکومته بولنمشدر .

برنجیسی

(روسیه) حکومتیدر که شمال طرفی (بحر منجمد شمالی)، شرق طرفی (بحر محیط کبیر)، جنوب طرفی (چین) یعنی قطای، (افغانستان)، (عجمستان)، (آناتولی)، (قره دگن) و غرب طرفی (آوستریا)، (پروسیة) (بحر بالطیق) (اسوج و نوروج) ایله محدوددر .

روسیه ملکتنی، طوپراغنگ بیوکلمکی ایله دنیا ننگ اک برنجی الکاسی اولوب مساعه سطحیه سی در تیوز بیگمیل مر بعیدر غر بدن شرقه اولان اوز و نلغی اون بیگ ویرست و شمالدن جنوبه درت بیگ ایک یوز ویرستدر .

روسیه الکاسی: (آروپای روسی و فنلاندیه)، (قفقاز)، (سیبر) و (ترکستان) اسملریله درت پارچه دن عبارتدر . روسیه ننگ آروپا قطعه سننگی اهالیسی طقسان بش میلیون قدر اولوب (روس) (تاتار) (پولاق) (یهودی) (روم) (ارمنی) (بلغار) کبی در لو در لوملتلردن عبارتدر . بونلردن اک چوغی وملت حاکمه روسلردر .

حکومتک رسمی مذهبی (خرستیان) پراژ و صلاحونی و رسمی لسانی (روسجه) اولوب اداره سی (مستقله) در .

روسیه ده هر در لودین و مذهب سر بست اولوب هر بر ملت کندينگ اعتقادی و شریعتی اوزره عمل ایتمکده تمامیله مختاردر .

روسیه ننگ پایتختی (نه ژا) نه ری کنارنده بر میلیون دن زیاده نفوسی حاوی اولان (سن پیتر بورغ) بلسیدر . موسقوه ، اودیسه ، کیف . خار قوف ، قزان ، ژارشاوا ، سواستوپول مشهور شهرلر ننددر .

ایکنجیسی

(ترکیه) یاخود (عثمانلی) حکومتیدر که سکز میلیون قدر اهالیسی واردر . پایتختی قره دگن بوغاز نده (استانبول) یاخود (قنسطنتینو پول) بلسیدر .

سلانیک، آدرنه، مناستر، قوصوه، یانیه مشهور شهرلرندندر. مذهب رسمی (اسلام)، لسان رسمی (ترکجه) اولوب ادارهسی (مستقله) در.

اوچنجیسی

(بلغاریا) پرنسکیدرکه اوچ بچق ملیون قدر اهالیسی اولوب پایتختی (صوفیه) شهریدر. پلیونه، سلستره، روسجق، ویدین، وارنه بلکلری مشهور شهرلرندندر. مرکز ادارهسی (فلیبه) یاخود (فلیوپول) اولان (روم ایلی شرقی) قطعه سیده باغاریایه قوشلمشدر. مذهب رسمی (خرستیان - پراژولاونی) ادارهسی (مشروطه) در.

دردنجیسی

(یونان) حکومتیدرکه اهالیسی ایکی بچق ملیون قدر اولوب پایتختی (آفینه) شهریدر. پیره، وولو، اوارین، لاریسا، فارسالا، ترحاله بلکلری مشهور شهرلرندندر. مذهبلی (خرستیان - پراژولاونی) لسانلری (روجه) و ادارهسی (مشروطه) در.

بشنجیسی

(ایتالیا) حکومتیدرکه اهالیسی اوتوز ملیون قدر اولوب پایتختی (تیهر) نهری کنارنده وپاپانک اقامتیه مشهور اولان (روما) شهریدر. وندیك، میلان، توره نو، فلورانسه، ناپولی بلکلری مشهور شهرلرندندر. مذهبلی (خرستیان-قاتولیک) لسانلری (ایتالیاجه)، ادارهسی (مشروطه) در.

آلتنجیسی

(اسپانیا) حکومتیدرکه اهالیسی اون یدی ملیون قدر اولوب پایتختی (مادرید) شهریدر.

سویل، برسلون، والانس، غرنطه، قرطبه بلده لری مشهور شهرلرندندر. مذهبلی (قاتولیک)، ادارهسی (مشروطه) در. بوقطعه ده اسپانیولردن اول عربلر حکومت ایتمشدر. او وقتده اسمنه (اندلس) دینلوردی آنلردن قالمش مشهور (الحمرا) (البیضا) سرایلری حالا واردر.

یدنجیسی

(پورتکیز) حکومتیدر که اهالیسی درت بچق ملیون قدر اولوب مقرر ادارهسی (تازه) نهری کنارنه بولنان (لیزبون) شهریدر. براغا، پورتو، فارو بلکلری مشهور شهرلرندندر. مذهبلری (قاتولیک)، ادارهسی (مشروطه) در.

سکزنجیسی

(فرانسه) حکومتیدر که اهالیسی اوتوز سکز ملیون قدر اولوب مرکز ادارهسی گوزل لکی ومعموریتی ایله بتون دنیاده مشهور اولان، و (سن) نهری کنارنه بولنان (پاریژ) شهریدر. لیون، بوردو، مارسلیا، هاور، شربورغ، طولون، نیس شهرلری مشهور بلدهلرندندر. مذهبلری (قاتولیک)، ادارهسی (جمهوریتدر). فرانسزلر علوم ومعارفه پک زیاده ترقی ایتمش بر ملت اولوب فرانسزجه لسان، بتون دنیاده گی مدنی ملتلر ودولتلر طرفندن رسمی وعمومی بر دیل اولمق اوزره قبول اولنمشدر.

طقوزنجیسی

(انگلتره) حکومتیدر که اهالیسی اوتوز یدی ملیون قدر اولوب پایتختی (تامیس) نهری کنارنه بولنان وبش ملیوندن زیاده نفوسی حاوی اولان (لوندون) شهریدر. لیورپول، برمنغام، غلاسکو، دوبلن، پورتسموت شهرلری معروف بلکلرندندر. مذهبلری پروتستانلک بر شعبهسی اولان (آنگلیکان) مذهبیدر. بر مقدار قاتولیک وارددر. ادارهسی (مشروطه) در. انگلترهیه: (بیوک بریتانیا وایرلانده) دخی دینلور.

اوننجیسی

(باچیقا) حکومتیدر که اهالیسی آلتی ملیون قدر اولوب مقرر ادارهسی (بروکسل) شهریدر. آنورس، نامور، لیهژ، غاند، بلکلری مشهور شهرلرندندر. مذهبلری (پروتستان)، ادارهسی (مشروطه) در. باچیقاده رسمی لسان فرانسزجه ایسهده آلمانجه دخی تکلم اولنور.

اون برنجیسی

(هولانده) یاخود (فلنك) حكومتیدر كه درت بچق ملیون قدر نفوسی اولوب مركز ادارهسی (رهن) نهری کنارنده بولنان (لاهی) شهریدر. آمستردام، روتردام، لوكسمبورغ، اوترهخت بلكلری مشهور شهرلرندندر. هولانده هر كیم ایچون كندی ایستدیكى مذهبك بولنمق سر بست ایسه ده اكثری (پروتستان) و ادارهسی (مشروطه) در. بوملكنده علم و معرفت پك زیاده ترقی ایتمشدر.

اون ایكنجیسی

(دانیمارقه) یاخود (دانیا) حكومتیدر كه اهالیسی ایكى ملیون قدر اولوب پایتختی (سیلانك) آطه سنك بولنان (قوپنهاغ) شهریدر. غارھوس، ژیبورغ، آلبورغ بلدهلری مشهور شهرلرندندر. مذهبلی اكثریت اوزره (پروتستان) و ادارهسی (مشروطه) در.

اون اوچنجیسی

(اسوج ونورج) حكومتیدر كه اهالیسی آلتی بچق ملیون قدر اولوب پایتختی (مولار) كولی کنارنك بولنان (استوقهولم) شهریدر. خرستیانیا، غوتبورغ، مالمو، اوپساله بلكلری مشهور شهرلرندندر. اسوج ونورج داخله آیری آیری ایكى حكومت اوله رق نور و جك مركز ادارهسی (خرستیانیا) شهریدر. مذهبلی (پروتستان) و ادارهلری (مشروطه) در.

اون دردنجیسی

(آوستریا) حكومتیدر كه اهالیسی فرق ملیون قدر اولوب پایتختی (طونه) نهری کنارنده بولنان (ویانه) شهریدر. بوداپشته، پراغ، تریسته، گراچ، آگرام بلكلری مشهور شهرلرندندر. عثمانلی مالكندن اولان (بوسنه وهرسك) قطعه سیک موقتاً آوستریا اداره سنك بولنمقده در. آوستریا اهالیسنك اكثری قاتوليك مذهبك ایسه ده یهودیلرله پروتستان وپراؤو صلاونی بولنانلرده چوقدر. ادارهسی (مشروطه) در.

اون بشنجیسی

(رومانیا) حکومتیدرکه اها ایسی بش میلون قدر اولوب پایتختی (بوخارست) یاخود (بکرش) شهریدر. یاش، فالاس، ابرائیل، یرکومی، طولجا، کوستنجه بلکلری مشهور شهرلرندندر. رومانیا اهلینک اکثری پراؤ وصلاونی مذهبند ايسه ده بونلردن باشقه مسلمانلر له یهودیلرده چو قدر. ادارهسی (مشروطه) در.

اون آلتنجیسی

(صربیه) حکومتیدرکه اها ایسی ایکی ملیون قدر اولوب پایتختی (طونه) نهری کنارنده بولنان (بلگراد) شهریدر. سمندر، آلکسیناچ، زاپچار، بلکلری مشهور شهرلرندندر. مذهبلی (پراؤ وصلاونی) و ادارهسی (مشروطه) در.

اون یدنجیسی

(قره طاغ) حکومتیدرکه اها ایسی اوچوز بیك قدر اولوب مرکز ادارهسی (چتینه) شهریدر. دگز بوینکغی (بار)، (اولکون) بلده لری مشهور شهرلرندندر. مذهبلی (پراؤ وصلاونی) ادارهسی (مستقله) در.

اون سکزنجیسی

(آلمانیا) یاخود (گیرمانیا) حکومتیدرکه اها ایسی قرق طقوز میلیون قدر اولوب پایتختی (برلین) شهریدر. فرانقفورت، مونیخ، اشتوتغارد، دارمشتاد، هامبورغ، دانزیک، برسلاو، پوزان شهرلری مشهور بلکلرندندر. آلمانیا، یکریمی سکز قدر اوافق حکومتارک برلشمسیله حصوله کلمشدن. آلمانیا ده درلودرلو مذهبلی موجود ايسه ده اک چوغی قاتولیک و پرتستان مذهبلیدر. ادارهسی (مشروطه) در.

اون طقوزنجیسی

(اسویچره) حکومتیدرکه اها ایسی ایکی چق میلیون قدر اولوب مرکز ادارهسی (برن) شهریدر.

جنوه، لوزان، بازل بلده لری مشهور شهرلرندندر. بو هلمکتک غایت یوکسک طاغلیر، بیوک کوللر، لطیف وادیلر، طاغلیرک تپه لرنکگی اقلرلرک اریمسندن حصوله کلن و بیاض کوپوکلر ایچنک چاغلایه چاغلایه آقان حدسن حسابسن ایرماقلر

بولندیغی جهتله منظره‌سی (کورنیشی) پک کوز لدر . اوروپانک هر طرفندن و آمریقادن بورایه هر سنه پک چوق سیاحلر کلیور لر . دین و مذهب بوراده پک سر بستدر . اهلینک چوغی پر وتستان قالا نلری قاتولیک و سائر مذهب ندر . سوچرده فرانسه ، آلمان ، ایتالیا نلسانلری تکلم اولنور ، اداره‌سی جمهوریت در

اسملری	آوروپا قطعه سنده گی مشهور دگزر
بحر منجمد شمالی	آوروپانک شمال طرفنی احاطه ایدر .
بحر ابيض	بحر منجمد شمالیدن پیدا اولمشدر .
بحر محیط غربی	آوروپانک غرب طرفنی احاطه ایدر .
بحر شمال	بحر محیط غربیدن آیرلمشدر .
بحر بالطیق	بحر شمالدن پیدا اولمشدر .
بحر سفید	آوروپانک جنوب طرفنی احاطه ایدر .
قره دگزر	بحر سفیددن پیدا اولمشدر .
آزاق دگزی	قره دگزدن پیدا اولمشدر .
بحر حزر	هیچ بر دگزدن آیرلمیوب برکول کبیدر .
اسملری	آوروپا قطعه سنده گی مشهور بوغاز لر
سونده	دانیمارقه ایله اسوج ونوروج آراسنک در .
پادیقاله	فرانسه ایله انکلتزه آراسنک در .
سپته	اسپانیا ایله آفریقا آراسنک در .
بونیفاسیو	قورسیقه آطه سیله سار دینیا آراسنک در .
هسینا	سجیلیا آطه سیله ایتالیا آراسنک در .
دار دانیل	مرمه دگزی ایله آطه لر دگزی آراسنک در .
استانبول	قره دگزر ایله مرمه دگزی آراسنک در .

اسملری اوروپا قطعہ سندہ کی مشہور کورفلز

بوٹنی

بحر بالٹیکہ واقعہ .

فنلانڈہ

ریغا

بحر محیط غربیدہ واقعہ .

غاسقونیا

ونڈیک

بحر سفیدہ واقعہ .

سلانیک

اسملری آروپا قطعہ سندہ کی مشہور آٹہ لر

سیلانڈہ

بحر بالٹیکہ واقع ، دانیمارقیہ تابعہ .

بریتانیا

بحر محیط غربیک واقع ، انکلترہ بہ تابعہ .

ایرلانڈہ

شتلانڈہ

مینورقہ

آق دگژدہ واقع ، اسپانیایہ تابعہ .

مایورقہ

قورسیقہ

آق دگژدہ واقع ، فرانسیہ تابعہ .

ساردینیا

آق دگژدہ واقع ، ایتالیایہ تابعہ .

سجیلیا

مالطہ

آق دگژدہ واقع ، انکلترہ بہ تابعہ .

قبریس

آق دگژدہ واقع ، انکلترہ اڈارسنک در .

کریڈ

آق دگژدہ واقع ، ترکیہ ہمایہ سنک در .

اوروپا قطعه‌سندہ بولنان مشہور سرہ طاغلی	اسملری
آوروپا ایله آسیا آراسندہ در.	اورال
قرہ دگز ایله بحر حزر آراسندہ در.	قفقاز
ترکیہ دن کچر قرہ دگزہ نہایت بولور.	بالقان
رومانیا ایله آوستریا آراسندہ در.	قارپات
فرانسه ایله ایتالیا آراسندہ در.	الب
ایتالیان کچر آق دگزہ نہایت بولور.	آپہ نین
اسپانیادہ در.	ایہری
اسوج ایله نروج آراسندہ در.	اسقاندیناویا
آلمانیا دہ در.	قرہ اورمان
اوروپا قطعه‌سندہ بولنان مشہور ینار طاغلی	اسملری
ایتالیادہ در.	وہزو
سچیلیا آطہ‌سندہ در.	اتنا
ایسلانڈیہ آطہ‌سندہ در.	ہقلا
اوروپا قطعه‌سندہ‌گی مشہور کولر	اسملری
روسیدہ واقعہ در.	سایمہ لا دوغہ اونہ‌غا
اسوج مملکتندہ واقعہ در.	ونر وتر مولار
سوچرہ دہ واقعہ در.	جنوہ قونستانس توفشائل زوریخ

آروپا قطعہ سندھ کی مشہور نہر لر

اسملری

آلمانیادن چیقار قرہ دگڑہ آقار.	طونہ
قاریات طاغلرندن چیقار قرہ دگڑہ آقار.	دنہ ستر
روسیدن چیقار قرہ دگڑہ آقار.	دنہ پیر
روسیدن چیقار آق دگڑہ آقار.	دون
لادوغہ کولندن چیقار بالطیق دگڑینہ آقار.	نہ ژا
اورال طاغلرندن چیقار بحر حزرہ قاریشور.	اورال
روسیدن چیقار بحر حزرہ قاریشور.	ژولغا
قاریات طاغلرندن چیقار طونہ یہ قاریشور.	پروت
آلب طاغلرندن چیقار وندیك کور فزینہ آقار.	پو
رومادن کچر آق دگڑہ آقار.	تیبیر
اسویچرہ دن چیقار آق دگڑہ آقار.	رون
	وادی الکبیر
اسپانیادن چیقار و بحر محیط غربیہ آقار لر.	وادی الغنہ
	تاغو
	دورو
فرانسدن چیقار بحر محیط غربیہ آقار لر.	غارون
پاریژدن کچر مانش دگڑینہ آقار.	لوار
لونڈوندن کچر بحر شمالہ قاریشور.	سن
	تامیس
	رہن
بحر شمالہ آقار لر.	ژہ زہر
	الب
بحر بالطیقہ آقار لر.	اودر
	ژیسلا

آسیا

آسیا قطعه‌سنگ شمال طرفی (بحر منجمد شمالی)، جنوب طرفی (بحر محیط هندی)، شرق طرفی (بحر محیط کبیر)، غرب طرفی دخی آق دگز واورال تاغلریله محدوددر .

آسیانك اوزونلغی (باب‌المنذب) بوغاز نندن (بهرنك) بوغازینه قدر اون بیک اکیکیوز کیلومتر و، کنیشلکی (جلوسکین) بور و نندن جنوبک کی (بور و) بور و ننه قدر سکز بیک کیلومتر و مقداری اوله رق بتون مساعه سطحیه سی ۴۲ میلیون ۱۶۵ بیک کیلومتر و مربعنه مساویدر . بو حالک آسیا قطعه‌سی آوروپا ایله آفریقانك مجموعندن دها بیوکدر . آسیانك اها لیسسی سکز یوز میلیون مقداری اولوب یوز یکر می میلیون قدری مسلم ، باقیسی غیر مسلمدر . آسیاده اها لینك اکثری جنس اصفره منسوب اولدیغندن رنگلری صاری یه مائل ، صافاللری سیرک ، کوز لری کوچوک و اوچلری یوقاری یه طوغرو قالقمشدر . آسیا قطعه‌سی آوروپادن صکره اک معمور و ترقی اپدن بر قطعه‌در . بو قطعه‌ده هر درلو ذخیره و میوه حاصل اولدیغی کبی قرنفل ، دار چین ، پورچ کبی هر درلو قوقولو و رایجه لو نباتاتلرده بولنور . آلتون ، کموش ، قورشون ، قلا ، باقر ، دمیر معدنلرندن بشقه یاقوت ، اینجو ، آلماس کبی قیمتلو پک چوق طاشلر دخی بولنور . آسیا قطعه‌سی باشلوجه اون عملکته تقسیم اولنمیشدر .

برنجیسی

(آسیای روسی) درکه بو عملکت دخی ، (سیبر) ، (ترکستان) (قفقاز) اسملریله اوچ پارچه‌دن عبارتدر .

(۱) سیبر قطعه‌سی غایت بیوک ایسه‌ده اها لیسسی آنجق بش آلتی میلیون قدردر . طومسق ، اومسق ، طوبولسق ، ایر قوتسق ، یاقوتسق ، سیمپولاتینسق ، ینیسه‌یسق ، ولادی ژوستوق شهرلری مشهور بلده لرننددر . چینک (پورت آرتور) ، (تالیان ژان) لیمانلری دخی مؤخرأ روسیه یه الحاق

ایدمشدر. سیبرگه پک اوزون دمیر یول یا پلمغه باشلان دیغندن آرزمان ایچنک پک چوق معموریت کسب ایله جکی شبهه سزدر. ۲) ترکستان یا خود (آسیای وسطی) نك مشهور شهرلری: تاشکند، سمرقند، خوقند، چمکند، کاشغر، آقمولینسق آندیمان بلکلر یدر. بوندن بشقه ایکی میلیون قدر نفوسلی و روسیه حمایه سنک اولان (بخارا) خانلغی واردرکه مرکز ادارهسی (بخارا) شهر یدر. ترکستانلیدی میلیون قدر اهالی موجود اولوب هپسی اسلام مذهبنگ درلر یا لکنز بیوک شهرلرده سوکرده دن کلن روسلر و سائر ملتلر موجوددر. ۳) قفقازده دخی آلتی یدی میلیون قدر اهالی اولوب اکثری چرکسلردر قلانلری روسلر وخرستیان مذهبنگ اولان ارمنیلر اولوب بونلردن بشقه دخی ترک، تاتار، عجم لرده آزدگلدر قفقازک هواسی پک گوزل طوپراغی پک منبتدر مشهور بلکلری: نقلیس، باکو، پوتی، قوتایس، شیر وان، اریوان، شماخی شهرلر یدر.

ایکنجیسی

(چین) یا خود (قیطای) حکومتیدرکه اهالیسی درتیوز میلیون قدر اولوب پایتختی ایکی میلیون قدر نفوسی حاوی اولان (پکین) شهر یدر. نانکین، فانطون، شانغای، موقدن، اورغا، تیببت، سوچئو بلکلری مشهور شهرلرندندر. چین اهالیسی الله تعالی طرفندن ایندرلمش اولان کتابلرک هیچ برینه تابع اولیبوب اوچ درت بیگ سنه اول کندیلرینک حکیملری طرفندن چیقارلمش اولان (بوده)، (قونفوسیوس)، (تااوسه)، (شامان) کبی بر طاقم مذهبلرده بولنقمک درلر. چینک یکرمی میلیون قدر مسلمانک واردر. ادارهسی (مستقله) اولوب پادشاهلرینه (ابن سما) یعنی (کوک اوغلی) دیورلر. بوقطعه ده زمانمزک هنر و صنعتی، علم و معرفتی اصلا ترقی ایتما مشدر.

اوچنجیسی

(قوریه) ملکیتلیدرکه اهالیسی اون چق میلیون قدر اولوب پایتختی (سئول) شهر یدر. مذهبلری (بوده) ادارهسی (مستقله) در.

در دنجیسی

(یاپونیا) هلمکتیدرکه اها لیسى اوتوز سکز ملیون قدر اولوب پایتختی (توکیو) یاخود (یدو) شهر یدر کیوتو، میاقو، اوزاقا، ناغازاکی، یوقوها مابلک لری مشهور شهر لرنند. یاپونیا اها لیسنگ اکثری (بوده) مذهبند. یاپونیا لیلر زیاده سیلهذکی وچالیشقان اولوب صنایع و معارفک، علوم و فنونده فوق العاده ترقی ایتمشلردر. اکثری فرانسز چه انگلیز چه نکلم ایبرلر: ادارهسی (مشروطه) در.

بشنجیسی

(هند چینی) هلمکتیدرکه بوراسی آلتی پارچه یه بولونمشدر. برنجیسی: (آننام) ایمپیراتور لری اولوب پایتختی (هوئه) شهر یدر. ایکنجیسی (سیام) حکومتی اولوب پایتختی (بانقو) شهر یدر. اوچنجیسی: (بیرمان) حکومتی اولوب پایتختی (مانداله) شهر یدر. در دنجیسی (فامبوج) حکومتیدرکه مقرر ادارهسی (پنومپنغ) شهر یدر. بشنجیسی فرانسه اداره سنک بولنان (قوشین شین) هلمکتیدرکه مرکز ادارهسی (سایغون) شهر یدر. آلتنجیسی انکلتره اداره سنک بولنان (هند چینی بریتانی) هلمکتیدرکه مشهور شهر لری: پهغو، آرقان، انکلتره یه تابعدر. مالا فایریم آطه سنک اوچنگ (جوهور) اسمنک اوفاق بر اسلام حکومتیده واردر. هند چینی قطعه سنده اک زیاده منتشر اولان مذهب (بوده) و (برهن) مذهب لری اولوب بوندن باشقه برچوق مسلمانلر وخرستیانلرده واردر. یرلی حکومتلرک اداره لری مستقل اولوب مدنیت، علوم و صنایع ترقی ایتما مشدر. بوراده هپسی قرق ملیون قدر اهالی واردر.

آلتنجیسی

(هندستان) هلمکتیدرکه اها لیسى ایکی یوز الی ملیون قدر اولوب مرکز ادارهسی (غانغ) نهری آغزنده کائن (قالکوته) شهر یدر. کشمیر، مرشد آباد، الله آباد، دهلی، بومبای، لاهور، پیشاور، مدراس، و سرنیب آطه سنک گی (قولومبو) بلکلری مشهور شهر لرنند. هندستانک گی اها لینگ

الی ملیون قدری مسلمان ، آلتی یدی ملیونی خرستیان ، قلانلری (براهنا) ،
 (بوده هی) کبی مذهب لده بولنده رق مجوسی صایلمقده در لر .
 هندستانه اك زیاده انتشار ایدن لسانلر فارسیجه ، اوردوجه ، وانکلز جه در .
 هندستانه اوفوق تفك پرنسلکلر وشمالنده (نپال) ، (بوتان) کبی داخلا مستقل
 حکومتکلر وارسه ده هپسی انکلتره یه تابعدر لر .

یدنجیسی

(افغانستان) حکومتیدرکه اهالیسی آلتی ملیون قدر اولوب پایتختی (کابل)
 شهریدر . هرات ، جلال آباد ، قندهار بلده لری مشهور شهرلرندندر .
 مذهب لری (اسلام) ادارهسی (مستقله) در . باشقه مسلمان حکومتلری کبی
 افغانستان ده زمانه نك اقتضای تیدیکی هنر وصنعتدن ، علوم ومعارفدن محرومدر .

سکزنجیسی

(بلوچستان) هلكتیدرکه بر میلیون قدر اهالیسی اولوب مرکز ادارهسی
 (کلات) شهریدر . بلا ، غانداوا مشهور شهرلرندندر . مذهب لری (اسلام)
 ادارهسی (مستقله) اوله رق انکلتره حمایه سنده در ،

طقوزنجیسی

(ایران) یاخود (عجمستان) حکومتیدرکه اهالیسی سکز میلیون قدر اولوب
 پایتختی (طهران) شهریدر . تبریز ، همدان ، شیراز ، اصفهان ، نیشابور ،
 کرمان مشهور شهرلرندندر . مذهب لری (اسلام) ادارهسی (مستقله) در .
 اولکی زمانلرده بو هلكتدن پك چوق مسلمان علما و حکماسی یتشمشدر .

اوننجیسی

(آسیای عثمانی) درکه : آناطولی ، سوریه ، عربستان اسملریله اوچ
 پارچه دن عبارتدر .

(۱) آناطولی یاخود (کچوک آسیا) نك اهالیسی اون بش میلیون قدر اولوب
 مشهور شهرلری : بروسه ، ازمیر ، طربزون ، سینوب ، وان ، ارضوم ، بغداد
 بصره ، بلکلریدر . بوراده اك چوغی اسلام مذهبنده اولان ترکلر اولوب ، باشقه لری

خرستیان مذهبناك اولان ارمنی، روم و سائر درلودرلو قوملر در. آناتولی كاملا تركیه اداره سنك اوله رق رسمی لسان تركجه در.

۲) سوریه نك اهالیسی ایکی میلیون قدر اولوب مشهور شهرلری: شام، بیروت، قدس، یافه، لاذقیه، صیدا، عکا بلده لری در. سوریه ده گی اهالینك اکثری اسلام مذهبناك اولان عربلر اولوب بونلردن باشقه خرستیانلر، درزی، مارونی کبی سائر ملتدرده واردر. بیروت شهرناك آمریقادن و فرانسز میسیونیر شرکتلری طرفندن تأسیس ایدلمش غایت منتظم مکتبلر واردر که بودار الفنونلرده فرانسز جه انگلیز جه و عربجه لسانلر پك مکمل تحصیل اولندقدن باشقه هر درلو فن ایله برابر علم طب و علم هندسه دخی پك گوزل او قلمقده در.

۳) (عربستان) مرکز اداره سی (مکه) شهریدر. مدینه، جدّه، ینبوع و یمین قطعه سنده گی صنعا، جدید بلده لری مشهور شهر لرندندر. بوراده گی اهالی کافه اسلام مذهبناك اولان عربلر در. عربستان یاریم آطه سنك بحر احمر ساحلنده گی قسم عربیسی تركیه اداره سنده ایسه ده اورته سنك بر طاقم مستقل امامقلر و شیخقلر واردر. بوندن باشقه جنوب غربی اوجنك گی (عدن) مملکتی انگلتره اداره سنده اولدیغی کبی جنوب شرقی اوجنده گی (مسقط) اماملقده انگلتره حمایه سنده در.

اسملری	آسیا قطعه سنده گی مشهور دژنلر
بحر منجمد شمالی	آسیانك شمال طرفنی احاطه ایدر.
بحر محیط کبیر	آسیانك شرق طرفنی احاطه ایدر.
بحر محیط هندی	آسیانك جنوب طرفنی احاطه ایدر.
بحر سفید	آسیانك غرب طرفنی احاطه ایتمشدر.
شاپ دژنی	بحر محیط هندی دن پیدا اولمشدر.

دگز لری بحر محیط کبیردن پیدا اولمشدر.	چین یاپونیا اوخوتسق بهرنک
آسیا قطعه سنده گی مشهور بوغازلر	اسملری
<p>عربستان ایله آفریقا آراسنده در.</p> <p>ایران ایله عربستان آراسنده در.</p> <p>سوماطره آطه سیله مالاقا یاریم آطه سی آراسنده در.</p> <p>چین ایله یاپونیا آراسنده در.</p> <p>آسیا ایله آمریکا آراسنده در.</p> <p>بحر سفید ایله شاب دگز لری آراسنده در.</p>	<p>باب المندب</p> <p>هرمز</p> <p>مالاقا</p> <p>قوریه</p> <p>بهرنک</p> <p>سویش قنالی</p>
آسیا قطعه سنده بولنان مشهور کورفز لر	اسملری
<p>سیرده واقع بحر منجمد شمالیدن حاصل اولمشدر.</p> <p>کورفز لری بحر محیط هندیدن حاصل اولمشدر.</p> <p>کورفز لری چین دگز نندن حاصل اولمشدر.</p>	<p>اوبی</p> <p>عمان</p> <p>بنگاله</p> <p>طونکین</p> <p>سیام</p>
آسیا قطعه سنده گی بولنان مشهور آطه لر	اسملری
<p>بحر منجمد شمالیکه واقع روسیه یه تابعدر.</p> <p>بحر محیط کبیرده واقع روسیه یه تابعدر.</p> <p>بحر محیط کبیرده واقع بر قسمی یاپونیا یه و بر قسمی چینه تابعدر.</p>	<p>لیاقوف</p> <p>ساخالین</p> <p>قوریل</p> <p>اطه لری</p>

بحر محیط کبیرده واقع یاپونیا به تابعدر.	یزو نیفون سیقوق کیوسیو فورموز
بحر محیط کبیرده واقع چین به تابعدر.	هاینان
بحر محیط هندیک واقع انگلتره به تابعدر.	سیلان
آق دگژده واقع انگلتره اداره سنکدر.	قبریس
آق دگژده واقع ترکیه به تابعدر.	رودوس
آسیا قطعه سنده بولنان مشهور صره طاغیر	اسملری
چین، ترکستان و یاپونیا آراسنده در.	آلتای
چین ایله ترکستان آراسنده در.	بللور
هندستان ایله تیبِت آراسنده در.	هیمالایا
بهرنگ بوغاز نندن باشلایوب جنوبه طوغری کیدر.	استانوی
ایران، آناتولی و قفقاسیه آراسنده در.	آارات
آسیا قطعه سنده بولنان مشهور گولر	اسملری
سیبر قطعه سنده در.	بالقاش بایقال ایسیقکول
ترکستان قطعه سنکدر.	آرال
آناتولیده در.	وان
ایرانده در.	ارمیه
سوریه ده در.	لوط

اسیاء قطعہ سنده بولنان مشهور نہر لر	اسملری
آلتای طاغلرندن چیقار بحر منجمد شمالی یہ آقار.	اوبی
بایقال کولندن بحر منجمد شمالی یہ آقار.	ینیسہی
آلتای طاغلرندن چیقار اوخوتسق دگزینہ آقار.	لنا
بللور طاغلرندن چیقار آرال کولنہ آقار.	آمور
ہمالایا طاغلرندن چیقار بنگالہ کورفزینہ آقار.	صدریا
ہمالایا طاغلرندن چیقار عمان کورفزینہ آقار.	آموریا
آناطولینگی طوروس طاغلرندن چیقار و بغداد آشاغیلرنگ	غانژ
برلشہرک بصرہ کورفزینہ آقار لر.	سند
طوروس طاغلرندن چیقار قرہ دگزہ قاریشور لر.	دجلہ
	فرات
	قزل ایرمق
	یشیل ایرمق

آفریقا

آفریقا قطعہ سنک شمال طرفی (آق دگز)، جنوب طرفی (بحر محیط کبیر)، شرق طرفی (بحر محیط ہندی)، غرب طرفی دخی بحر محیط غربی ایلہ محدوددر. اہالیسی یوز قرق میلیون مقدارنک در. آفریقا اہالیسنک رنگری سیاہ و آوروپالولرک ادارہ سنہ کیرمین یردہ گیلری وحشی، علم معرفتدن، هنر و صنعتدن محرومدر لر. آفریقانک ساحلنک گی یرلری کاملاً آوروپالولرک ادارہ سندنہ یا خود حمایہ سنک ایسہدہ اورتہ لرنک ہنوز لایقیلہ بیلنہ میان و کندی باشلرینہ وحشتک یاشایان یرلردہ واردر. آفریقا قطعہ سی کو چوک و بیوک اون آلتی ہلکتہ بولوغشدر.

برنجیسی

(مصر) حکومتیدر کہ طقوز میلیون قدر اہالیسی اولوب پایتختی نیل نہری

کنارنک بولنان (مصر القاهره) شهر یدر. اسکندریه، دمياط، رشید، سویس، سیوط، فیوم بلکلری مشهور شهرلرندندر. مصرک جنوبنک اولان (نوبه) مملکتی دخی بورایه تابع اولوب مرکز ادارهسی (خرطوم) شهر یدر. مصر اهاالیسنک اکثری اسلام مذهبنک اولان عربلر اولوب رسمی لسان عربچه در. مصر قطعہسی ترکیه نک امتیازلی ایالتلرندندر. والیلرینه (خدیو) عنوانی ویریلور. لکن بو صوگ زمانلرده مصره اصلاحات اجرایی ایچون انگلیزلر کیرمش اولدیغندن شمذیلک انگلتره ادارهسنک در.

ایکنجیسی

(طرابلس) مملکتیدرکه اهاالیسی برملیون قدر اولوب مرکز ادارهسی آق دگز بوینگی (طرابلس) شهر یدر. درنه، فزان، مرزوق، غدامس بلکلری مشهور شهرلرندندر. اهاالینک اکثری اسلام مذهبنده اولوب ترکیه ادارهسنک در.

اوچنجیسی

(تونس) مملکتیدرکه اهاالیسی ایکی ملیون قدر اولوب مقر حکومتی آق دگز کنارنک بولنان (تونس) شهر یدر. بیزرطه، قیروان، قابس، مهدیه بلکلری مشهور شهرلرندندر. اهاالیسی اسلام مذهبنک اولوب فرانسه ادارهسنک در.

دردنجیسی

(جزایر) مملکتیدرکه اهاالیسی درت ملیون قدر اولوب مرکز ادارهسی آق دگز ساحلنک بولنان (جزایر) شهر یدر. اوران، قسطنطین، فیلیپ ویل، بوژی مشهور شهرلرندندر. اهاالیسی اسلام مذهبنک اولان عربلر ایله بر مقدار یهودیلر اولوب فرانسه ادارهسنک در. تونس ایله جزایر اوللری ترکیهده ایدی فقط صکره لری فرانسزلر کیرمشدر.

بشنجیسی

(فاس) یاخود (ماروق) حکومتیدرکه اهاالیسی یدی ملیون قدر اولوب پایتختی

(مراکش) شهر یدر. فاس، طنجه، تتوان بلكلری مشهور شهرلرندندر. اهالیسی عرب و مسلمان اولوب بر سلطان طرفندن اداره اولنمقدهدر.

آلتنجیسی

(صحرا کبیر) مملکتیدرکه غایت بیوک و قوملق بر چول اولوب احوالی هنوز لایقيله معلوم دگلدر. اهالیسی کندی باشلرینه آیری آیری اداره اولنان بر طاقم قبيله و شیخلردن عبارت اولوب اوچ درت ملیون قدر تخمین اولنمقدهدر. اکثریسی اسلام مذهبنده ایسهده مدنیتدن علم و معرفتدن محرومدرلر.

یدنجیسی

(سنه غامبیا) مملکتیدرکه بتون اهالیسی اون ایکی ملیون قدر اولوب ساحل طرفی فرانسه، انگلتره، پورتکیز اداره سنکدر. فرانسزلرک مرکز ادارهسی (سن لوئی)، انگلیزلرک (بانورست) پورتکیزلرک (قاشتو) شهرلر یدر. ایچر و طرفک بر طاقم یرلی مستقل حکومتلرده واردر. اهالینک اکثری مسلماندر. بو مملکتک تمساح، دگز آیغری و درلودرلو مایهونلرله اهالی بی راحتسز ایدن بیاض قرجه و چکرکه لر پک چوقدر.

سکزنجیسی

(کینه شمالی) مملکتیدرکه بر قاچ پارچهیه منقسم اولوب ساحل بویتجه شمالدن جنوبه طوغر و کیدلدکده آشاغیده گی اسملرله تسمیه اولنمقدهدر: برنجیسی: (سیررالئونه) ساحلی اولوب بوراده انگلتره نك (فریطوون) مستملکاتی بولنمقدهدر.

ایکنجیسی: (حبوبات) ساحلیدرکه بوراده (لبریا) جمهوریتی بولنوب مقر ادارهسی (مونروویا) شهر یدر.

اوچنجیسی: (فیل دیشی) ساحلیدرکه بوراده فرانسه نك (غران باصان)، (عاسینی)، (دابو) مستملکاتی واردر. درنجیسی: (آلتون) ساحلیدرکه بوراده انکلتره نك (قاب قوعاست)، (المینه) مستملکاتی واردر. آلتون ساحلنک آرقه سنک مستقل (آشاتنی) حکومتی موجود اولوب پایتختی (قوماسی) شهر یدر.

بشانیسی: (اسیر) ساحلیدرکه بوراده (داهومه) حکومتی فرانسه‌یه ،
(لاغوس) لیمانی انکتره‌یه تابعدر .

آلتانجیسی: (بنین) ساحلیدرکه بوراده (بنین) حکومتی بولنوب مقر اداره‌سی
ینه‌شوا سده‌گی شهردر . کینه‌شمالیده آلمانیا نك دخی (فامرون) مستملکاتی
واردر . بو مملکتده گی اهالینك دخی اکثری اسلام مذهبده ایسه‌لرده
علوم معارفدن ومدنیتدن محرومدرلر .

طقوزنجیسی

(کینه‌جنوبی) مملکتیدرکه تخمینا بش آلتی ملیون قدر اهالیسی اولوب اکثر
یرلری پورتکیز دولتنه تابعدر . مرکز اداره‌سی (لوانک) شهریدر . آوروپا
دولتلیرنک اتفاقیه تشکیل اولنوب باجیقا قرالینک نظارتنه ویریلن (قونغو)
حکومتی دخی بورادهدر .

اوننجیسی

(قاب) مملکتیدرکه بوراسی کنه بر قاچ پارچه‌یه منقسمدر .
برنجیسی: نفس (قاب) مملکتی اولوب انکتره‌یه تابعدر . اهالیسی
بر ملیون قدر اولوب مشهور شهرلری: قاب طوون، ژورژ طوون،
قونستانس، پورت الیزابت بلده‌لریدر آفریقانک اک جنوب اوجی اولان
بو قطعه‌ده قرق الی بیک قدر مسلمانده واردر .

ایکنجیسی: (قافرستان) ک قسم ساحلیسی اولان (ناتال) مملکتیدرکه اهالیسی
درتیوز بیک قدر اولوب انکتره‌یه تابعدر . مشهور بلیکسی (دوربان) شهریدر .
اوچنجیسی: (اورانژ) جمهوریتیدرکه مرکز اداره‌سی (بلو مفوتن) شهریدر .
(شیمدی انکتره اداره‌سندهدر)

دردنجیسی: (ترانسوال) جمهوریتیدرکه مقر اداره‌سی (پره‌توریا) شهریدر .
بو طرفلرده آلتون، آلماس کبی پک فیمتلی معدنلر چیمه‌مقددر . (شمدی انکتره
اداره‌سندهدر)

اون برنجیسی

(موزامبیک) مملکتی در که تخمیناً اهالیسی یکی میلیون قدر اولوب مرکز ادارهسی (موزامبیک) شهر یدر. کیلیمان، سوافاله مشهور شهرلرندندر. بومملکت پورنکیزه تابعدر.

اون ایکنجیسی

(زنگبار) مملکتی در که اهالیسی بر چق ملیون قدر اولوب مقر حکومتی بر کوچوک آطه اوزرنه بولنان (زنگبار) شهر یدر ملنده، ممبازه مشهور شهرلرندندر. بوراده اهالینک الگ چوغی اسلام مذهبنک اولوب بر عرب سلطاننه تابعدر. زنگبار داخلنه آلمانیا نك یوز بیگ کیلومتر و مربعی قدر مستملکائی واردر.

اون اوچنجیسی

(جو مال) مملکتی در که (عدل) و (آجان) اسملریله یکی یه آیرلمشدر. بر میلیون قدر اهالیسی اولوب مشهور شهرلری: زیلغ، بربره، تاجوره بلدهلر یدر. مذهبلری کافه اسلام اولوب مصره تابعدر.

اون دردنجیسی

(حبشستان) مملکتی در که اهالیسی درت میلیون قدر اولوب مرکز ادارهسی (غواندار) شهر یدر. آتقوبار، آقسوم، مشهور شهرلرندندر. مذهبلری خرستیان اولوب ادارهسی مستقلدر. ایمپیراتورلرینه (نجاشی) دیورلر.

اون بشنجیسی

(سودان شمالی) مملکتی در که آفریقانک اورتیه سنده بولنوب حبش ونوبه مملکتلرنن سنه غامبیا وکینه شمالی یه و صحرای کبیردن خط استوا یقیننه قدر تمتد اولان قطعیه دینلور.

بوراد تخمیناً اوتوز میلیون قدر اهالی موجود اولوب بر طاقم یرلی حکومتلر طرفندن اداره اولنمقده درلر.

مشهور لری شونلر در:

- (۱) ، (دار فور) حکومتی، مرکز اداره سی (فاشر، قوبه) شهر لریدر،
 - (۲) ، (قوردوفان) ، مرکز اداره سی (عبید) شهر لریدر،
 - (۳) ، (بامبارا) ، مشهور شهری (سغو) شهر لریدر،
 - (۴) ، (غاندو) ، مشهور شهری (غاندو) شهر لریدر،
 - (۵) ، (سوقوتو) ، مرکز اداره سی (سوقوتو) شهر لریدر،
 - (۶) ، (بورنو) ، مرکز اداره سی (بورنو) شهر لریدر،
- تیمبوقطو، یاقوبا، قوقه بلک لری دخی سودان شمالینک مشهور و تجارتگاه شهر لرننددر. اهالینک اکثری اسلام مذهبند در لری.

اون آلتنجیسی

(سودان جنوبی) مملکتیدرکه شمالا سودان شمالی ، جنوبا قافرستان ، شرقا زنگبار و موزامبیک و غربا کینه جنوبی ایله اهالیسی یدی سکن میلیون قدر تخمین اولنوب مشهور بلکسی (فازه) شهر لریدر.

اسملری	آفریقا قطعہ سنده گی مشهور دگزلر
بحر محیط کبیر	آفریقانک جنوب طرفنی احاطه ایدر.
بحر محیط غربی	آفریقانک غرب طرفنی احاطه ایدر.
بحر محیط هندی	آفریقانک شرق طرفنی احاطه ایدر.
بحر سفید	آفریقانک شمال طرفنی احاطه ایدر.
بحر احمر	عربستان ایله آفریقا آراسنده در.

آفریقا قطعہ سندہ کی مشہور آٹھ لر	اسملری
بحر محیط غربیدہ واقع، پورٹکیزہ تابعدر.	آصور مادہر یشیل بورون
بحر محیط غربیک واقع، اسپانیایہ تابعدر.	قناریہ
بحر محیط غربیک واقع، انگترہیہ تابعدر.	آسانسیون سنت الن
کینہ کورفزنک واقع، اسپانیایہ تابعدر.	فرناندوپو آنوبون
کینہ کورفزنک واقع، پورٹکیزہ تابعدر.	پرنس سن طوما
بحر محیط ہندیدہ، واقع، فرانسیہ تابعدر ودرت میلیون نفوسی واردر.	ماداغسقار
بحر محیط ہندیدہ واقع، انگترہیہ تابعدر.	سیشل ماسقارین
آفریقادہ بولنان مشہور صرہ طاغلر	اسملری
آفریقانک شمالندہ اولوب فاس مملکتندن کچر.	آطلاس
کینہ شمالیدہ واقعدر.	قونغو
موزامبیک مملکتندہدر.	لوپاطہ
آفریقادہ کی مشہور کوللر	اسملری
سودان شمالیدہ واقعدر.	چاد
زنگبار مملتنک ایچرو طرفندہدر.	ویقتوریا نیانزا

موزامبیک مملکتک ایچرو طرفندک در .	نیاسی
سودان جنوبییک در .	تانغانیکا
افریقاده گی مشهور نهر لر	اسملری
ویقتوریا نیانزا کولندن چیقار ، آق دگزه قاریشور .	نیل
قونغو طاغلرندن چیقار ، بحر محیط غربی یه آقار لر .	سنه غال
	غابی
بحر محیط غربی یه قاریشور لر .	نیغر
	قونغو
بحر محیط هندی یه آقار .	اورانژ
	زامبزی

آمریقا

آمریقا قطعہ سنک شمال طرفی (بحر منجمد شمالی)، شرق طرفی (بحر محیط غربی)، غرب و جنوب طرفلری (بحر محیط کبیر) ایله محدود اولوب بتون اها لیس یوز میلیون زیاده چه در . آمریقا قطعہ سی (۱۴۹۲) سنه سنک فریستوف قولومب اسمنگ گی بر آدم طرفندن کشف ایدلمشدر .

بو قطعہ ده هر درلو ذخیره و میوه حاصل اولدیغی کبی درلو درلو آغاچلر و قوقولی اوتلر (ایسلی اولنلر) دخی واردر . قورشون، قلائی، تیمور، باقر معدنلرندن باشقه آلتون کموش، آلماس، یر کموری معدنلری دخی پک چوقدر . آمریقا قطعہ سی : (شمالی آمریقا)، (اورته آمریقا)، (جنوبی آمریقا) اسملریله باشلوجه اوچه تقسیم اولنمشدر . شمالی آمریقا ده درت، اورته آمریقا ده بش، جنوبی آمریقا ده اون ایکی مملکت واردر .
شمالی آمریقا ده گی مملکت لردن :

برنجیسی

(غره اونلاند) آطه سیدر که احوالی هنوز لایقلمه معلوم دگلدر ایچر و طرفلری فارلر و بوزلرله اورتولش اولوب ساحل طرفلرنه بالق آوجیلغی ایله وقت کپیره ن (اسکیمو) دنیلان وحشی قوملر بولنمقده در. بو آطه نك اهالیسی آتقی یکر می اوتوز بیک قدر تخمین اولنوب دانیمارقه یه تابعدر. مشهور شهرلری: (غوتهاب)، (فوه دیکسهاب)، (اوپرناویق) بلکلر یدر.

ایکنجیسی

(بریتانیای جدید) یاخود (آمریقای انگلیزی) درکه اهالیسی درت چق میلیون قدر اولوب مرکز اداره سی (اوتتاوا) شهر یدر. (مونزه آل)، (کبه ق) بلکلری مشهور شهرلرندندر. اهالینک اکثری خرستیان اوله رق انگلتره یه تابعدر.

اوچنجیسی

(جهامیر متفقہ آمریکا) حکومتیدرکه اوتوز سکز قدر اوفق اوفق جمهوریتلر دن مرکب اولوب اهالیسی یتمش بش میلیون قدر در. مرکز اداره سی (نیویورق) و (واشینغتون) شهرلر یدر. شیکاغو، فیلادلفی، بوستون، سان فرانسیسکو شهرلری بلاد معر و فه سندندر. بوراده دین و مذهب پک زیاده سر بست اولوب اهالینک چوغی پروتستان مذهبنددر. اداره سی جمهوریت اولوب علوم و معارف، هنر و صنایع بورالرده فوق العاده بر صورتده ترقی اینمشدر.

دردنجیسی

(مکسیقا) جمهوریتیدرکه اهالیسی اون میلیون قدر اولوب داخلده یکر می بش قدر اوفق حکومتلر دن مرکبدر. مرکز اداره سی (مکسیکو) شهری اولوب (لاپوئبلا)، (غوادالاسارا)، (آقاپولکو) بلکلری مشهور شهرلرنددر. مذهبلی قاتولیک، لسانلری اسپانیولجه، اداره لری جمهوریتندر. اورته آمریقادگی بش جمهوریتدن:

برنجیسی

(غواتمالا) جمهوریتیدر که بر بچق میلیون قدر اها لیسى اولوب مرکز ادارهسى (غواتمالا) شهر یدر .

ایکنجیسی

(هوندوراس) جمهوریتى : نفوسى اوچپوز اللى بیك . مقر ادارهسى (قومایاغوا) بلده سیدر .

اوچنجیسی

(سان سالوادور) جمهوریتى : نفوسى آلتى یوز بیك . مقر ادارهسى (سان سالوادور) شهر یدر .

دردنجیسی

(نیقاراغوا) جمهوریتیدر . نفوسى : اوچپوز بیك . مقر ادارهسى (ماناغوا) بلک سیدر .

بشنجیسی

(قوستاریقا) جمهوریتى : نفوسى ایکی بیك . مقر ادارهسى (سان ژوزه) شهر یدر . اورته آمریقادا اک زیاده منتشر اولان مذهب قاتولیک مذهبی وتکلم اولنان لسان اسپانیولجه در .

جنوبی آمریکا

جنوبی آمریقادا گی اون ایکی مملکتدن :

برنجیسی

(کولومبیا) جمهوریتیدر که : اها لیسى اوچ میلیون قدر اولوب مقر ادارهسى (بوغوتا) شهر یدر ، (پاناما) بر زخنده گی (پاناما) پک مشهور شهر لرنندر .

ایکنجیسی

(ونهز وئلا) جمهوریتیدر که اها لیسى ایکی میلیون قدر اولوب مقر ادارهسى (قاراقاس) شهر یدر .

اوجنچیسى

خط استوا) جمهوریتیدرکه اهالیسی بر میلیون قدر اولوب مرکز ادارهسى (کیتو) شهر یدر.

در دنجیسى

غوايانا) مملکتیدرکه در تیوز بیگ قدر اهالیسی اولوب انگلتره، فرانسه، فلمنک دولترینه تابعدر.

انگلیز غواياناسنک مرکز ادارهسى (ژورژطوون)،

فلمنک غواياناسنک " (پاراماریبو)

فرانسز غواياناسنک " (قاین) شهرلر یدر،

بشنجیسى

(برازیلیا) ایمپراطور لغیدرکه اهالیسی اون اوج میلیون قدر اولوب مرکز ادارهسى (ریوده ژانیرو) شهر یدر. باهیا، بر نامبوقو، پارا شهرلری دخی بلاد مشهوره سننددر.

آلتنجیسى

(پهرو) جمهوریتیدرکه اهالیسی اوج میلیون قدر اولوب مرکز ادارهسى (لیما) شهر یدر. ساحلده گی (قالائو) مشهور شهرلرنددر.

یدنجیسى

(بولیویا) جمهوریتیدرکه اهالیسی ایکى میلیون قدر اولوب مقر حکومتی (شوکیزاقا) شهر یدر.

سکزنجیسى

(شیلی) جمهوریتیدرکه اهالیسی ایکى چق میلیون قدر اولوب مقر حکومتی (سانتیاغو) شهر یدر. (والپارهزو) مشهور بر لیمانیدر.

طقوزنجیسى

(آرژانتین) جمهوریتیدرکه اهالیسی اوج میلیون قدر اولوب مقر ادارهسى (بوئنوس آیره س) شهر یدر.

اوننجیسی

(پاراگووای) جمهوریتیدر که بشیوز بیٹک قدر نفوسی اولوب مقر ادارهسی (آسانسیون) شهریدر.

اون برنجیسی

(اوراگووای) جمهوریتیدر که یدی یوز بیٹک قدر اھالیسی اولوب مقر ادارهسی (مونتہ ویدو) شهریدر.

اون ایکنجیسی

(پاتاگونیا) مملکتیدر که (آرژانتین) حکومتنک جنوبنک واقع اولوب اھالیسی بر طاقم وحشی قبیلہ لردن عبارتدر. بومملکتنک بر قسمی آرژانتین و بر قسمیدہ شیلی حکومتنہ تابعدر.

اسملری	آمریقا قطعہ سنده بولنان مشهور دگزر
بحر منجمد شمالی	آمریقانک شمال طرفنی احاطہ ایدر.
بحر محیط غربی	آمریقانک شرق طرفنی احاطہ ایدر.
بحر محیط کبیر	آمریقانک غرب طرفنی احاطہ ایدر.
ھودسون	بحر منجمد شمالیدن پیدا اولمشدر.
آنتیل	بحر محیط غربیدن پیدا اولمشدر.
بهرنک	بحر محیط کبیر دن پیدا اولمشدر.
اسملری	آمریقاده بولنان مشهور آطلر
غره اونلانند	بحر منجمد شمالیک واقع، دانیمارقه یه تابعدر.
قوبہ	آنتیل دگزر نک واقع، مستقل بر ادارهدر.
ژامایقا	آنتیل دگزر نک واقع، انگلتره یه تابعدر.
پورتوریقو	آنتیل دگزر نک واقع.

هائیتی	آنتیل دگزنده واقع، کندی باشنه اداره اولنور.
مارتینیکو	آنتیل دگزنده واقع، فرانسه‌یه تابعدر.
ماژهلان	بحر محیط غربیک واقع، برطاقم ینار طاغلردر.
اسملری	آمریقاده‌گی مشهور نهر لر
سن لوران	آمریقای شمالیک واقع، بحر محیط غربی‌یه آقار.
میسسیپی	مکسیقا کورفزینه آقار.
میسوری	میسسیپی‌یه قاریشور.
اوره‌نوق	جنوبی آمریقاده، بحر محیط غربی‌یه آقار.
آمازون	جنوبی آمریقاده، بحر محیط غربی‌یه آقار.

آؤسترالیا

(آؤسترالیا) قطعہ‌سی بحر محیط کبیرده واقع برطاقم اطه لر در که بتون اھالیسی اوتوز سکز میلیون قدر اولوب اکثری اسلام مذھبنک در. بو قطعہ ده پک چوق آطه لر موجود اولوب باشلوجه اوچه آیرلمشدر:

(۱) غرب شمالیک : (مالیزیا)

(۲) غرب جنوبیک : (ملانیزیا)

(۳) شرقده : (پولینیزیا)

مالیزیا

مالیزیا قسمی آسیادن (مالاقه) بوغازی و (چین دگزی) ایلہ آیرلمش اولوب اوچ طاقم جزائر مجتمعه ایلہ (بورنہ او) و (سلب) آطه لرندن عبارتدر.

جزائر مجتمعه نک او لگیسی شمالک واقع (فیلیپین) آطه اری اولوب اھمیتلیلری: (لوصون) و (مینداناؤ) جزیره لریدر.

ایکنجیسی: شرق جنوبیده واقع (ملوک) آطه لری.

اوچاچیسى : غرب جنوبیده واقع (صوند) آطه لری اولوب اھمیتلیلری :
(صوماترا) و (یاوا) جزیره لریدر .

(فیلیپین) آطه لری اسپانیا اداره سنک بولنوب یدی میلیون قدر اھالیسی وارد که اکثر یسی مسلماندر . مقر اداره سی (مانیل) شهر یدر . ملوک ، سلب ، شمالی صوماترا ، صونده ، بورنه او آطه لری هولانده تابع اولوب مقر حکومتی (یاوا) آطه سنک بولنان (باتاویا) شهر یدر . یالکزی او آطه سنک یکر می میلیون قدر نفوسی اولوب اکثری مسلماندر .

مالیزیا آطه لر نه اوفق تفک بر طاقم یر لی حکومتلری وار ایسه ده آوروپا دولتر ینک حمایه سنده در .

(بورنه او) آطه سنک قارشوسنک گی (لابوان) انگلیز لره عائد اولدیغی کبی (بورنه او) نک بر ساحلنده آنلر ها کمدر .

ملانیزیا

(ملانیزیا) قسمی : (آوسترالیا) ، (طاسمانیا) ، (یگی زه لاند) ، (کینه جدید) اسملریله درت آطه دن عبارتدر .

(۱) - آوسترالیا آطه سنک اھالیسی اوچ میلیون قدر اولوب کاملاً انگلتره اداره سنکدر . مشهور شهر لری سیدنی ، ملبورن بلک لریدر . بو آطه ده انگلیز لریک غیرتی سایه سنک صنعت و هنر کوندن کونه ترقی ده و دنیا نیک و حشی آدم لری اولان اصل یر لی قبیله لر مدنیت حاضره ایله الفت ایکی میوب کیتد کچه منقرض اولمق در لر .

(۲) - طاسمانیا آطه سنک اھالیسی ایکی یوز بیگ قدر انگلیز مهاجری اولوب یر لی اھالی تماما بیتمشدر . مرکز اداره سی (هوبارت طوون) شهر یدر .

(۳) - یگی زلاند بر برندن (قوق) بوغازی ایله آیرلمش ایکی آطه دن عبارت اولوب اھالیسی درت یوز بیگ قدر در .

مرکز اداره سی شمالک گی آطه ده بولنان (اوقلند) شهر یدر . بو آطه لر ده آلتون ، دمیر ، کمور کبی معدنلر پک چوقدر . بونلر دخی انگلتره یه تابعدر .

۴) - کینه جدید یاخود (پاپوآزیا) آوسترالیانک شمالنک احوالی هنوز لایقیله بیلنمیان بیوک بر آطه اولوب غرب طرفی هولانک یه، شرق شمالیسی گرمانیایه، و شرق جنوبیسی انگلتره یه تابعدر.

پولینیزی

(پولینیزی) آطه لری آوسترالیانک شرق طرفنک بحر محیط کبیره ساچلمس برطاقم بیوک و کوچوک جزیره لردن عبارتدر.

بو آطه لریک چوغیسی آوزوپا دولترینک اداره سنکدر.

مستقل اولار ق یا لنگز (هاوای) یاخود (ساندوویچ) آطه لری واردر که مقر اداره سی (هونولولو) شهر یدر. فلانلردن: (ماریان)، (قارولین) اسپانیا ننگدر.

فیجی، نور فولق، نوافه یو انگلتره ننگدر؛

یگی قاله دونیا، تایتی، مارکیز فرانسه ننگدر.

اونیون، فنیکس، آمریقا ننگدر.

قرال کیلیوم، بسمارق، مارشال، رالیق آلمانیا ننگدر.

معلومات نافعہ

انسانلرک جنس لری

بتون یر یوزنک بولانان انسانلر شکل و صورتلریله یارادیلشلرینه کوره باشلیجه اوچ بیوک جنسه یعنی فرقه یه بولونمشدر.

برنجیسی : (جنس اییض) یاخود (قققاس جنسی)

ایکنجیسی : (جنس اصغر) یاخود (موغول جنسی)

اوچنجیسی : (جنس اسود) یاخود (زنجیلر)

۱ جنس اییض

جنس اییض یاخود قققاس جنسندن اولان انسانلرک توسلری آق (رنکلری بیاض) ساچلمری دوز، چهره لری گوزل، دیشلری عهودی، بویلمری و گوده لری متناسب اولوب عقل، فراست و ذکاوتله تمیز ایدلر مشلردر.

علم معرفتده، هنر وصنعتده اڭ زیاده ترقی ایتمش ملتئر بوجنسدندر.

(۲) جنس اصفر

جنس اصفر یعنی موغول جنسنه منسوب اولان خلقك توسلری صاری، کوزلری کوچوک، کوزلریله قاشلرینک اوچلری یوقاری قالمش، ساچلری قالمین وقاتی، صفاللری سیزک ویالکیز اییا کلرینک (چکه لرینک) اوچنده، قولاقلری بیوک، ویناق کمیکلری چیققدر. ترقی ومدنیتده جنس اییضدن صوگره بونلر کلیور ایسهده بوجنسه منسوب اولنلرک اکثریسی پک یالقاو (تنبل) وآز ایله قناعت ایدوب ایلروسنی دوشونمیان آدملردر.

(۳) جنس اسود

جنس اسود یاخود زنجیلرک توسلری قاره، ساچلری دخی قاره وقیورجق (بوتورکه) بورونلری یاصصی، ایرنلری (دوداقلری) قالمین، گوده لری بیوک، وجودلری صاغلاندر.

یرلری

جنس اییضلرک باشلیجه آوروپاده، آسیانک غربنده، آفریقانک شمالنده. آمریقاده یرلشمش اولان آدم لردر. جنس اصفرلرک باشلیجه: آسیانک وسط وشرقنده و آمریقای شمالینک بعض یرلرند و آؤسترالیانک بر قسمنده بولنان خلقلردر. جنس اسود آفریقاده و آؤسترالیانک بر قسمنده اوطوران خلقلردر.

(جنس احمر) و (مالز) لر

ذکر اولنان اوچ جنسندن باشقه (جنس احمر) و (مالز) اسمنده دها ایکی جنس وار ایسهده بونلر اهمیتسزدر. جنس احمرلر آمریقانک اصل یرلی اهالیسی اولوب توسلری باقر کبی قرمزیدر. بونلر هرکون انقراضدهدر. مالزلر درلو درلو جنسلرک اختلاطندن حصوله کلمش اولوب باشلیجه آؤسترالیاده بولنمقدهدرلر.

سلاطه

آوروپا اھالیسی باشلوجه درت (سلاطه) یه یاخود (نسله) بولونمشدر.

برنجیسی : (لاتین) سلاطهسی

ایکنجیسی : (جرمان) سلاطهسی

اوپنچجیسی : (اسلاؤ) سلاطهسی

درنجیسی : (مونقول) سلاطهسی

لاتین سلاطهسی

فرانسزلر، ایتالیانلر، اسپانیوللر، پورتکیزلر، رومینلر، باچیقواسوچیره نك بررقسملری ویونانیلر بوفرقه یه منسوب، اکثری قاتولیک مذهبنددر. مقدارلری یوز میلیون قدردر.

جرمان سلاطهسی

گیرمانیالیلر، آؤستریالیلر، اسوچ نور و جلیلر، دانیمارقه لیلر، ساقسون قومنه منسوب اولان انگلیزلر، فلمنکیلر، باچیقواسوچیره نك بررقسملری بوفرقه دن اولوب اکثری پروتستان (لوتران) مذهبنددرلر.

اسلاؤ سلاطهسی

روسلر، صربلر، قره طاغلیلر، بلغارلر، لهلیلر، بوفرقه یه منسوب اولوب اکثری (پراؤوسلاؤنی) مذهبنددرلر.

موغول سلاطهسی

ترکلر، وینگریالیلر (مجارلر)، فینلر، قالموقلر، ژولغا واورال نهرلری آراسنده گی تاتارلر و باشکیملر بوفرقه یه منسوب اولوب اکثری (اسلام) مذهبندد ايسه ده بعضیلری مدنیتدن محرومدلر.

دینلر

انسانلر (معبود) و (الله) طانیمق خصوصنده گی اختلافلرینه کوره ایکی یه آیریلور. اگر معبودی (بر) دیه اینانورسه (موحد) دینلور.

اگر معبودی (بر قاج) دیه اینانورسه (مشرك) دینلور.
 موحدلر عباتلرنده گی اختلافه کوره اوچه بولونمشدر.
 بتون پیغمبرلرک واللهدن ایندیریلان کتابلرک حق اولدیغنی اعتقادایدوب

(انجیل) ایله عمل ایدنلره :	(نصارا) دینلور
(قرآن) ایله عمل ایدنلره :	(مسلمان) دینلور
(تورات) ایله عمل ایدنلره :	(یهودی) دینلور

مشركلر

بونلرطاش، آغاچ، قویاش، ییلدیز، صغر، سچان، آتش، کبی درلو
 درلو مخلوقاته عبادت ایدرلر. باشلیجه لری (بوده) و (براهما) یاخود
 (برهمن) مذهبلریدر.

بونلرک مقداری موحدلره کوره پک چوقدر. بونلره دخی (مجوسی) دیرلر.

عمومیتله مقداری

۴۳۶،۰۰۰،۰۰۰	عیسوی	}	۴
۲۸۰،۰۰۰،۰۰۰	محمدی	}	۳
۷،۰۰۰،۰۰۰	موسوی	}	۲
۵۰۰،۰۰۰،۰۰۰	بوده‌هی	}	۱
۱۴۰،۰۰۰،۰۰۰	برهمنی	}	۱
۱۵۴،۰۰۰،۰۰۰	عبده اصنام	}	۱
۱،۵۱۷،۰۰۰،۰۰۰			

اصول اداره

حکومتلرک اصول اداره لری اوچ درلو اولوب

(اداره مستقله)	برنجیسنه :
(اداره مشروطه)	ایکنجیسیه :
(اداره جمهوریه)	اوچنجیسنه :

﴿ ادارهٔ مستقله ﴾ پادشاهلق بآبادن اوغله یاخود فرداشدن فرداشه وراثت طریقله فالورسه وپادشاه اولان ذات کندیسى یا لکز اجرای احکام ایدرسه (ادارهٔ مستقله) دینلور.

﴿ ادارهٔ مشروطه ﴾ پادشاهلق کنه وراثت طریقله فالور، لکن پادشاه ملت طرفندن سایلانمش اولان وکیل لره مشاوره ایدوب اجرای احکام ایدرسه (ادارهٔ مشروطه) دینلور.

﴿ ادارهٔ جمهوریه ﴾ خلق طرفندن سایلانمش اولان وکیل لره اوز آرالننده اتفاق و مشاوره ایدوب اوچ درت سنه کبی معلوم بر زمان ایچون بر آدمی پادشاه ایدر لر. پادشاه اولان ذات هر بر ایشی ملت وکیل لرینک مشاوره سیله اجرا ایدر. ملت طرفندن سایلانمش اولان وکیل لره (مبعوث) یاخود (دیپوتات) و آنلرک طوپلانوب مشاوره ایتدی کلری یره ده (مجلس مبعوثان) یاخود (پارلمنتو) دینلور.

لسان

اشک متعارف و مشهور اولان دیللر :

آور و پاده : فرانسزجه ، انگلیزجه ، آلمانجه ، ایتالیانجه ، روسجه .
 آسیاده : فارسیجه ، ترکیجه ، انگلیزجه ، فرانسزجه ، روسجه .
 آفریقاده : عربجه ، فرانسزجه ، انگلیزجه .
 آمریقاده : انگلیزجه ، اسپانیولجه ، فرانسزجه .
 آؤسترالیاده : انگلیزجه ، عربجه ، فرانسزجه .
 فرانسزجه بتون کرهٔ ارضه مقبول سیاسی ، ادبی و فنی بر لسان عمومیدر .

صوڭ .

مرتبی : م . فاتح الکریمی